





38768/B



Digitized by the Internet Archive  
in 2019 with funding from  
Wellcome Library

<https://archive.org/details/b30548226>







DISSERTATIO MEDICA,  
IN AUGURALIS,  
DE  
RHEUMATISMO ACUTO.

QUAM,  
ANNUENTE SUMMO NUMINE,

Ex Auctoritate Reverendi admodum Viri,

GULIELMI ROBERTSON, S. S. T. P.  
ACADEMIÆ EDINBURGENÆ PRÆFECTI;

NEC NON

Amplissimi SENATUS ACADEMICI consensu,  
Et nobilissimæ FACULTATIS MEDICÆ decreto;

PRO GRADU DOCTORIS,  
SUMMISQUE IN MEDICINA HONORIBUS ET PRIVILEGIIS  
RITE ET LEGITIME CONSEQUENDIS;

*Eruditorum examini subjicit*

JOSIAS NISBET,  
ex INDIA Occidentali.

Prid. Id. Septemb. hora locoque solitis.

*Atthide tentantur gressus, oculique in Achæis  
Finibus, inde aliis alius locus est inimicus  
Partibus ac membris: varius concinnat id aër.  
Proinde ubi se cælum, quod nobis forte alienum 'st,  
Commovet, atque aër inimicus serpere cæpit:  
Ut nebula ac nubes paulatim repit, et omne,  
Qua graditur, conturbat, et immutare coactat. LUCR.*

EDINBURGI:  
Apud BALFOUR, AULD, et SMELLIE,  
Academiae Typographos.

---

M,DCC,LXVIII.

CULTURE OF THE FUTURE

THE FUTURE OF THE FUTURE

THE FUTURE OF THE FUTURE

THE FUTURE OF THE FUTURE

THE FUTURE OF THE FUTURE

THE FUTURE OF THE FUTURE

THE FUTURE OF THE FUTURE

THE FUTURE OF THE FUTURE

THE FUTURE OF THE FUTURE



# DISSERTATIO MEDICA

D E

## RHEUMATISMO ACUTO.

**M**ORBUM describere aggredior, nostra quidem aetate frequentissimum, ab antiquis vero si non praetermissum, saltem non graphice delineatum. Auctores quippe antiqui omnes dolores prope articulos sitos sub titulo generali Arthritidis comprehenderunt, hanc rursus in species diversas dividentes; facile vero patet, distinctionem accuratam ad morborum cognitionem haud exigui momenti esse, et hic praecipue necessariam; cum articulorum dolores inter se, in causis, phaenomenis, et methodo medendi, tantum discrepant.

NOMEN Rheumatismi indeterminate ab antiquis pro quavis humorum fluxione usitatum;

## 2 DE RHEUMATISMO ACUTO.

fitatum; primum vero, ad morbum de quo tractamus significandum, a BALLONIO usurpatum; ille morbum a podagra et catarrho diversum internovit, atque satis perspicue descripsit.

RHEUMATISMUS a SAUVAGES, in classe sua Dolorum, cum morbis indole multum diversis collocatur; melius vero ad febres inflammatorias refertur, et cum pleuritide, angina inflammatoria, et aliis phlegmasiis affinibus, consociatur. Hae enim omnes cum diathesi phlogistica et febre acuta continua stipantur, ab iisdem causis ortae, et eadem fere methodo curandae.

IN plures species ab auctoribus diversis distinguitur; in rheumatismum nempe venereum \*, scorbuticum †, febricosum ‡, et sic porro: In hisce tamen articulorum, dolor symptoma esse videtur, et quasi morbus

\* Hoffman. oper. omn. tom. 2. p. 320.

† Ibidem.

‡ Morton, cap. 9. hist. 22.

morbus primarius a quo pendet curari debet; itaque, si a lue oritur, per mercurium et lignorum decocta; si a scorbutico, per medicamenta antiscorbutica; si a febre intermittente, per corticem Peruvianum, tollitur. His igitur merito rejectis, quoniam ad alia genera pertinent, in duas species rectius dividitur, in Rheumatismum nempe Acutum et Chronicum; alteram quae cum febre est, alteram sine ea.

IN hac dissertatione de acuto solum tractandum; a multis calido, inflammatorio, universali, dicto.

RHEUMATISMUS acutus dolor est, cum febre acuta continua, prope articulos situs, et plerumque una cum tumore et rubore comitatus.

MORBI



## 4 DE RHEUMATISMO ACUTO.

### MORBI HISTORIA.

ACCESSUS ejus lassitudine spontanea indicatur, dolore capitis, et aliis phaenomenis febrilibus consuetis ; frigoris sensu, scilicet, et horrore ; sequentibus aestu circa praecordia, siti, inappetentia, anxietate et spirandi angustia \*, cum pulsu celeri, pleno, et duro. Aliquando sub initio paralyfin simulat, quae per totum morbi decursum durare, et in morbi diagnosi imperitos fallere potest.

FEBRIS huc usque pergit sine dolore ulli parti affixo ; die vero secundo vel tertio elapso, interdum citius, dolores atroces in articulis discruciare incipiunt, praesertim in genubus, humeris, et carpis ; neque in illis solummodo detenti, per omnes alias ossium juncturas celeriter oberrant, et in coxis, lumbis, cervice, cubitis, talis, vel digitis

\* Hoffmann. oper. omn. tom. 2. p. 319.



digitis faeviunt. Dolores motu et aëre frigido admissō acerbiores redduntur; eos etiam attactus auget; mitiores vero dum aeger quiescit et tepore modico fovetur. Cum plures articuli afficiuntur, motus tunc fere perdifficilis; minima causa dolores magis intenduntur, etiam stragulorum incumbentium gravitate vel levissima lecti agitatione.

FEBRIS et dolores exacerbationes suas vespere exercent, quae, per plurimam noctis partem durantes, aegros somno privant. Noctes etiam saepe ducunt infomnes; quia fere immobiles in una positura semper decumbere coguntur.

SI in quovis articulo dolor et inflammatio valide et diu affligunt, eos tumor et rubedo comitantur. Dolores plerumque tamen vagi sunt, raro ultra paucos dies eidem parti affixi; ideo hi inflammationis comites non semper adfunt. Pertinaces et curatu difficillimi, cum lumbos, coxas, vel  
cervicem

## 6 DE RHEUMATISMO ACUTO.

cervicem invadunt. Quando lumborum vertebrae occupant, et juxta ureteres ad os sacrum descendunt, Lumbago, cum coxas, Dolor Ischiadicus, appellatur. Interdum pleuritidem aemulans costas invadit, tunc Pleuritis Symptomatica dicta.

SUDOR saepe viscidus parvus suffunditur, minime levans, raro in articulis dolentibus; nam, partibus subjectis dolore affectis, spasmus cuti vicinae communicatur, et vasa exhalantia constringuntur. Sudor tamen aliquando uberrimus et constans cum symptomatum levamine fluit.

FEBRIS in duratione et violentia incerta est, aliquando fortis, interdum levis; nulla putredinis indicia ostendit; lingua saepe nitida\*; nullus vomitus, nausea, aut ructus

\* Sauvages Nosolog. method. class. 7. ord. 1. de rheumatismo, haec verba habet: Febris est immunis a putredine, lingua est nitida, &c. Haec tamen regula minime generalis; nam, si febris vehemens est, lingua semper muco obducitur.

tus adfunt. Ut plurimum cito terminatur; cum levis est, inter paucos dies, quiete, lecti calore modico, et potu copioso diluente, diffatur, et quanquam vehemens, si caute tractata, semper ante diem decimum quartum; tametsi dolores diutius durare possunt, et etiam interdum majore cum violentia ad diem quadragessimum usque protrahuntur.

SANGUIS ex patulo vulnere in vas angustum missus, modo non juxta brachium fluxerit, et sine agitatione aliquamdiu steterit, pellicula flava, crassa, et tenacissima induitur, fero a sanguine tarde secendente, et quod secedit pauxillum est et crassum; et aliquoties observatum est, virgula elevatum fila egisse\*; illius vero facies, pro febris vehementia vel morbi diurnitate, varia esse potest. Quo causae et symptomata graviora fuerunt, eo densior et crassior pellicula futura est. Haud infrequenter

\* Storck, ann. med. 2. de febre contin. arthrit. et rheumat.



## 8 DE RHEUMATISMO ACUTO.

frequenter annotatum fuit, quod, in horum dolorum initio, sanguis sanorum sanguini similis prodit; sub longiore vero mali progressu, pellicula tenaci imbutus emittitur.

ALVUS pertinacissime semper adstricta est; urina, si febris valida urget, rubra, parca, sine sedimento, vel, in magna dolorum exacerbatione, tenuis, pallida evacuat<sup>\*</sup>; at, si sudor copiosus manat, vel impetus febrilis sese remittit, tunc copiosa, turbida, jumentosa evadit, serum lactis referens, et sedimentum albidum furfuraceum deponens.

### QUI ILLI OBNOXII.

INCIPIENTE Vere, vel sub finem Autumni, rheumatismus, et quidem omnes morbi

\* Storck. ann. med. 2.



morbi inflammatorii, praecipue graffantur; cum subitae coeli mutationes et noctes frigidae diebus, plerumque tempore meridiano radiis Solis ardentibus succedunt. In hac vero nostra regione, ubi tanta coeli intemperies, et gradus caloris uno die saepe tam varii, quavis anni tempestate invadere potest.

QUI corpus plethoricum validum habent, quive fibras tenfas, illi obnoxii; qui aetate florentes, sexus virilis \*, qui in otio vitam degunt, genio indulgentes, veneri et vino dediti †, occasione data, facilius rheumatismo corripuntur. Qui, evacuationibus nimis, vel morbis praegressis imperfecte curatis, debilitati sunt, hunc morbum quam facile experiuntur. Qui medicamenta mercurialia fumunt, frigore subito admissio, in rheumatismum pessimi generis incidunt; mercurius enim hujus morbi generationi favet, diathesin inflam-

B

matoriam

\* Boerhaave Aphorism. p. 368.

† Hoffman. opera omnia, tom. 2. p. 320.

matoriam inducendo, et corpus frigori sensilius reddendo. Denique, evacuationes solitae suppressae, sicuti plethoram gignunt, ita ad hunc etiam disponunt.

Si, post conditiones quasilibet haecenus enumeratas, corpus aerae frigidae nocturnae, flante vento Boreali, incaute exponatur, vel in aquam gelidam subito immergatur, rheumatismus excitari potest. Multo certius tamen hoc sequetur, si corpus exercitio vel balneo calefactum est; frigus tunc enim fortius agit, praesertim cum in corporis partem aliquam, caeteris calefactis manentibus, cum impetu dirigitur. Frigus tunc causa procatactica esse videtur, vasa, cum multum dilatata et sanguine turgentia, spasmodice constringendo, obstructionem atque inflammationem gignendo.

## PROGNOSIS

tus adfunt. Ut plurimum cito terminatur; cum levis est, inter paucos dies, quiete, lecti calore modico, et potu copioso diluente, diffatur, et quanquam vehemens, si caute tractata, semper ante diem decimum quartum; tametsi dolores diutius durare possunt, et etiam interdum majore cum violentia ad diem quadragessimum usque protrahuntur.

SANGUIS ex patulo vulnere in vas angustum missus, modo non juxta brachium fluxerit, et sine agitatione aliquamdiu steterit, pellicula flava, crassa, et tenacissima induitur, fero a sanguine tarde secedente, et quod secedit pauxillum est et crassum; et aliquoties observatum est, virgula elevatum fila egisse\*; illius vero facies, pro febris vehementia vel morbi diurnitate, varia esse potest. Quo causae et symptomata graviora fuerunt, eo densior et crassior pellicula futura est. Haud infrequenter

\* Storck, ann. med. 2. de febre contin. arthrit. et rheumat.



degenerat, vel paralyfin aut articulorum anchylofin relinquit. Haec tamen citius sequuntur in senescentibus quam in junioribus, in debilitatis quam in vegetis.

INFLAMMATIO haecce saepe in resolutionem abit, raro in gangraenam; vix unquam in suppurationem transit. Cum inflammatio longo temporis spatio, et magna violentia, ulli parti affixa est, fibrae ultra tonum distendi possunt; hinc laxitas et atonia: Interdum vero partes inflammatae firmiter compactae in duritiem fere schirrosum condensantur; hinc rigiditas et immobilitas saepe sequuntur. Per vim frigoris sedantem, paralyfis aliquando producitur: Frigus enim, pro gradu quo applicatur, vel stimulat vel sedat\*; minore, influxum fluidi nervosi majorem affert, et fibras irritabiliores reddit; si vero majore applicetur vel diutius continue-

tur,

\* Professor noster Cullen, in praelectionibus suis academicis, multa egregia de frigoris effectibus nobis commemoravit.



tur, fibras constringit, hunc influxum impedit, paralyfin gignit.

SÆPE sine crisi terminatur; quandoque tamen sudore copioso oborto et per integrum corpus manante, vel urina crassa multa, solvitur. Ab haemorrhagia ex naribus, vasis haemorrhoidalibus, vel utero, dolores interdum silent. Ulcera in pedibus suborta levamen sæpius attulerunt, testante HOFFMANNO \*; rursus, eis arte consolidatis, dolores mox recruderunt. Crisis salutaris cum eruptione fit cutanea; oborta scabie, leprae albae naturam habente, dolores penitus sublati sunt †. Mihi tamen videtur, rheumatismum hisce crisis proxime memoratis solutum, non sane purum, sed cum alio morbo junctum esse.

TUMORES ingentes lymphatici aliquando per materiei confluxum in unum locum

\* Opera omnia, tom. 2. p. 320.

† Ibidem.

cum efformantur ; ii medicamentis discutientibus non dissipari possunt: Si vero postea aperiuntur, effluit seris flavi, visceri, magna copia, et aeger brevi temporis spatio sanitatem pristinam recuperat \*.

## INSPECTIO ANATOMICA.

JAM nunc dictum est rheumatismum raro mortem inferre ; ideo documenta ab hoc morbo peremptorum, sectione facta, rarius occurrunt. Paucae sectionum historiae enarrantur, ubi materies flava, gelatinosa, copiosissima, inter membranam pulmones ambientem et inter pulmones ipsos, deprehensa est ; haesit quoque valde copiosa inter piam matrem et cerebrum atque cerebellum. Anteriores cerebri ventriculi etiam tali materie repleti fuerunt †. In cadaveribus dissectis concreta non solum gelatinosa in musculis et eorum aponeurosis inventa, aliquando

\* Storck ann. med. 2.

† Storck ann. med. 2.

do tamen tophacea reperta \*. Hoc tamen nunquam contingit, nisi morbus longo temporis spatio duraverit, vel cum arthritide conjunctus fuerit.

### CAUSA PROXIMA.

CAUSIS remotis necessario praemissis et pensitatis, nunc ad causam morbi proximam considerandam deventum est.

IN minimis vasculis membranarum musculorum, et ligamentorum, aponeurosum, et musculorum ipsorum, inflammatio esse videtur, a constrictione spasmodica et sequente obstructione orta. Haec inflammatio in suppurationem non desinit; quia vascula obstructa in telam cellularem, quae sedes suppurationi solum apta, non inhiant; et quamvis lympham tenuem vehant, tamen materies crassior in pus convertenda per ea non transire potest.

### DIAGNOSIS

\* Lieutaud precis de medicine.



## D I A G N O S I S.

DOLORS rheumatici similitudinem quandam cum paucis aliis morbis habent, et cum illis saepius confunduntur; necesse igitur est eos enumerare, et signa diagnostica referre.

ARTHRITIS, scorbutus, et lues venerea, morbi sunt qui praecipue attentionem nostram merentur. Inter eos, arthritis primum considerari debet; cum haec praec aliis rheumatismum saepius aemulatur, et ab eo difficilius distinguitur.

RHEUMATISMUS ab arthritide dignoscitur a doloris sede, ab aegri aetate, et a morbi causis atque symptomatibus. Arthritis suam sedem in articulorum ligamentis habet, et, si inveterata, spatium inter articulorum cavitates magis occupat; rheumatismus in membranis muscularibus,



bus, vel parti carnosae superficiei propioribus. Prior impetu primo sedem in pollice pedis vel in calce figit; posterior ibi rarius, saepius in genubus. Arthritis, cum nulla est labes gentilitia, raro nisi aetate vergente oboritur; rheumatismus, quavis vitae aetate, saepius tamen juvenes, invadit: Alter quasi sponte oboritur sine causa externa; alter a causa excitante facile detegendus. Hae omnes notae aliquando tamen fallaces, et minime universales vel ab exceptione immunes. Nam, in podagra, inflammatio ad partem muscularem se extendit, et, quod ad situm et conspectum, rheumatismo similis esse videtur; et a vi externa vel a crapula paroxysmus suscitari potest. Attamen diagnosis omnium certissima a symptomatibus morbum praegressis, vel illum comitantibus, obtinetur. Arthritidis paroxysmis semper ventriculi affectiones antecedunt, cruditas et indigestio, nausea vel vomitus, quae indies augentur donec materies ad artus deferatur; haec tunc fugantur, et

cibi appetentia redit: At, si materies morbifica a partibus extremis repellitur, tunc majore violentia ventriculi affectiones recurrunt. Uti alternatim cum ventriculi affectionibus, ita cum nephritidis paroxysmis, invicem recidit. Qui graviore praesertim arthritide laborant, hac cessante, in nephritidem calculosam quam facile incidunt; hac vero quiescente, in arthritidem iterum relabuntur. Dolores rheumatici saepius et subito moventur, et ad alios articulos sine capitis periculo vagantur; arthritici vero pertinacius fixi, et, cum articulos integrè relinquunt, timendum est symptomata pessima instare. Hunc morbum jam satis fuse a rheumatismo distinximus; nunc ad caeteros pergendum. Dolores rheumatici scorbuticos et venereos referunt, quod noctu per lecti calorem exacerbantur; ab iis vero per quaedam symptomata facile dignoscuntur: A scorbuticis, quod nullus oris foetor, nulla ex gingivis haemorrhagia, nullae maculae cutaneae; a venereis, quod hi in  
media

media parte ossium durissima, illi prope articulos adfunt. Uti hi morbi inter sese saepius confunduntur, et personam utriusque invicem gerunt, ita dolores rheumatici pro nephritide vel pleuritide aliquando falso enumerantur. Illa species, quae lumbago audit, interdum pro nephritide, propter doloris sedem, habetur; lumbago vero sine vomitu est, et dolor motu tactuque magis quam in nephritide intenditur. Alia species, pleuritis symptomatrica appellata, ab idiopathica distinguenda, quod sedem suam in musculis intercostalibus superficiei propiorem habet, tumore et rubedine stipatur, ad tactum magis dolet, nulla tussis, nullum sputum adest, et respiratio non tam anhelosa.

### C U R A T I O.

HIS igitur, forte nimis breviter, percurfis, nunc ad curationem perpendendam nosmet accingamus. Indicationes curatoriae, ut mihi videtur, sunt:

Imo,



## 20 DE RHEUMATISMO ACUTO.

1mo, IMPETUM febrilem in toto corpore retraenare.

2do, SANGUINIS impetum in partibus inflammatis minuere.

3tio, SPASMUM et constrictionem solvere.

I. INDICATIONI primae satisfacimus evacuationibus omnis generis, diaeta tenui et refrigerante, et cavendo ab omni stimulo.

IMPETUM sanguinis et tensionem totius systematis subito et certo per sanguinis missionem minuimus, quae in omni febre cum inflammatione topica remedium praecipuum esse solet. In rheumatismi curatione a BOTALLIO primum instituta est; et post eum a BALLONIO, RIVERIO, et SYDENHAMO, omnibusque fere auctoribus qui morbum rite tractabant, laudibus effertur.

UBI febris magna est, aeger validus, adultus, plethoricus, cum pulsu duro, forti, rubore et tensione in articulis, sanguis statim ad decem vel duodecim uncias mittendus; et, uti vasa omnia magis laxentur, eductio subito, pleno rivo, ex patulo vulnere in magno vase, aegro recumbente, fieri debet.

ET, si in morbi adhuc sit initio, evacuatio ter vel quater, pro aegri viribus, repetenda, donec febris cedere incipiat.

VENÆSECTIO in hoc morbo fatis libere adhibetur, quia levamen subitum saepe affert; et, quanquam evacuatio immodica fuisset et frequenter repetita, tamen sine ullo damno praesenti fertur. Cautela vero opus est; si enim magna sanguinis copia profusa est, remedium fallax effectus suos noxios postea ostendet, debilitate et laxitate totius systematis relictis, quae multis morbis obnoxios reddit, praesertim illi cum quo paulo ante colluctati sunt; et

## 22 DE RHEUMATISMO ACUTO.

et si sine recidivo vel alio morbo evadant, tamen tarde convalescunt.

SI aegri tunc, morbis praegressis, aut evacuationibus magnis, debilitati; si senescentes, delicatuli, vel magna systematis nervosi mobilitate praediti, vel etiam si morbus diu duraverit, venaesectio caute celebratur.

AD hunc scopum quoque cathartica dantur; haud tamen expectandum est, morbum ab iis integre curandum esse; symptomatum vero violentiam ea levare possunt.

MINIME acrida esse debent, quae plus noxae per stimulum suum afferunt, quam boni per evacuationem: Mitia solum optima; talia sunt sales neutri, manna, tamarindorum et cassiae pulpae, fructus horaei, et quaecunque alvum sine stimulo generali leniter solvunt. Cum viae pri-  
mae



mae semel vel bis miti tali medicamento purgatae sunt, si alvus adhuc clausa manet, enemata postea emollientia singulis diebus injicienda sunt. Haec semper catharticis anteponimus; quia, minimo stimulo agentes, alvum tutius humectant.

UT I impetus febrilis coerceatur, diaeta tenuis, refrigerans, minime alkalescens esse debet, ex vegetabilibus concoctu facilibus parata; potus ex decocto hordeaceo vel avenaceo, aut sero lactis, grate cum succo citri acidulatus, copiose hauriatur. Aromata calida, cibi saliti, et potus spirituosus, vel calor nimius externus, caute evitanda. Modico tantum tegminum pondere aeger opertus, in lecto quiescere, et aërem purum temperatum respirare, debet.

II. CUM febris vis per haec remedia aliquantum remittit, impetum sanguinis et congestionem in parte inflammata cohibere conamur. Hoc per evacuationes  
jam

jam memoratas, et praesertim per missionem sanguinis generalem, efficere possumus; experientia nunc vero plane evincit, sanguinem ex parte dolenti eductum, quamvis parva quantitate, dolorem citius sedare et spasmus solvere. Praeterea, systema ab ea minus laxatur; nam, quantitas parva detracta, quamvis saepius repetita, tantam noxam non affert, quam si subito larga copia missa fuerit; missio tamen topica ipsa ab hoc incommodo non omnino immunis est. Sanguinis missio generalis suos effectus bonos in inflammatione removenda solummodo praestat, cum subita et copiosa eductio facta est; topica in pauca vasa tantum agit, et tensionem in iis minuit.

SANGUIS ex parte dolore affecta per hirudines, vel melius per cucurbitulas, educitur. Quando per hirudines fit, quantitas debita saepe non obtinetur, aliquando vero plus justo; haemorrhagia enim sequens, quippe tam parva, per negligentiam

tiam diu pergere permittitur. Per cucurbitulam eductio subitanea est, et quantitatem debitam elicere atque facilius aestimare possumus; quae, si ad tres vel quatuor uncias, plerumque sufficit. Cum dolor ab ea fugatur, articulus panno laneo tegi debet, et aëris frigidi ictus in hunc sollicitè evitandus; dolores aliter cito recurrunt.

CUM febris remediis generalibus curatur, dolor vero persistat cum stupore, immobilitate, et frigoris sensu quodam, atque timor est ne malum chronicum evadat, epispastica parti dolenti apposita optima remedia esse videntur. Usus eorum hic valet, non tantum propter fluxum serosum quem efficiunt, sed etiam propter virtutem antispasmodicam. Ob hanc, quanquam valida stimulantia, a viris in re medica versatis, in inflammationibus, ut pleuritide et angina inflammatoria, topice applicata sunt. Vesicantia ex herbis acridis, rubefacientibus, desumpta sunt;



hae vero magnum dolorem semper excitant, et ulcus diu apertum relinquunt, quod curationi magis resistit, quam illud ab emplastro vesicante communi productum. Hisce igitur causis, quamvis dolores interdum penitus dissipant, usus cantharidum illis antefertur. Ad rheumatismum chronicum, rubefacientia melius quam ad nostram speciem aptari videntur, quum fluxu ex parte diuturno opus est.

RANUNCULUS pratensis succulentus, in pulvem contusus, huic fini inservit; vel, si hic deest, semina sinapi effectus eisdem praebent, ut in Nosocomio nostro multoties expertum est.

IN hoc morbo, sudores sponte saepe oboriuntur, et crisin bonam concedunt; igitur, naturam sequentes, medicamenta ad hanc evacuationem promovendam adhibemus.

SUDORIFICA

SUDORIFICA tutius adhibentur cum, per sanguinis missionem vel alvi purgationem, febris et diathesis inflammatoria imminuta sunt. Sudor vero, per medicamenta calida, stimulantia, quae febrim et inflammationem augent, minime provocandus; melius, si morbus huc tendat, antimonii praeparatis, decoctis bardanae, fenekae, vel farsaparillae, tepore externo modico, et potu tenui diluente atque tepido. Remedia tamen sudorifica applicatu difficillima; nam, cum sudor ab iis non promovetur, per stimulum suum febris et inflammatio in pejora ruunt; at, si in morbi initio haec evacuatio obtinetur magna copia, partem sanguinis tenuissimam dissipando, jam spissitudine inflammatoria peccantis, summum detrimentum affertur. Praeterea, quamvis medicamenta efficacissima apto tempore adhibita sunt; tamen per aegrorum jactationem et impatientiam, qui operimentum leve prae dolore vix ferre queunt, sudor copiosus non manare potest.

PULVIS

PULVIS Doveriana, vel antimonium cum opio junctum, medicamentum est ad sudores evocandos pollens ; sed, uti effectus suos praestet, necesse est cutim calore externo laxare, decocta sudorifica supra memorata, vel avenacea aut hordeacea tepida, pro potu communi propinare. Hoc medicamentum plerumque primo parva dosi adhibetur, et, si aegro confert, quantitas paulatim augetur ; ita quidem ab ullis effectibus noxiis cavetur : Sed revera vim medicamenti minuimus ; si enim simul et semel plena dosi datur, et cum regimine debito, sudor multo certius elicitur. Pulveris dosi a scrupulo est ad drachmam usque, quae grana opii quatuor continet.

III. SPASMUM et constrictionem solvere.

QUÆDAM ad hunc finem utilissima jam memorata sunt, ut sanguinis missio, vesicantia, et sudorifica ; pauca tamen adhuc restant.

NAR-



NARCOTICA inter antispasmodica primum locum tenere solent, et hic praecipue indicari videantur, propter aegrorum vigilantiam, et ad dolorem fere intolerabilem sedandum. Si in vespertina dolorum et febris exacerbatione opium exhibetur, aegri inquiete dormiunt, delirio vexantur, turbulenta insomnia habent, et saepe subito evigilant; postridie vero subdeliri sunt, cum pulsu celeri, contracto, et inaequali \*. Opium mane post exacerbationem datum in melius semper conducit; somnus tunc levans obtinetur, et cutis leni humore madet, aegrique ad paroxysmum vespertinum tolerandum alacriores fiunt. Opium doloris quidem sensationem minuit; causas vero ejus per stimulum suum auget, et debilitatem atque irritabilitatem majorem relinquit. Ubi inflammatio valida et febris urgent, usus ejus periculosus redditur: E contra, cum torpor et paralyfis, in ejus usu caute procedendum;

\* Storck. ann. med. 2.

cedendum ; nam per ejus vim fedantem haec etiam ingravescent.

CATAPLASMATA ex foliis papaveris erratici vel hyoscyami, cum lacte recenti et paucis croco parata, ad dolores sedandos multum profunt\*. Haec et forte opium ipsum, ubi nullus est torpor, ad externa applicata, remedia topica utilissima sunt; tuto tunc spasmus laxando agunt, et stimulum nullum generalem communicant. Cum febris vehementia mitigatur, dolores vero vividi perstant, fomenta ad tensionem et constrictionem minuendam applicantur; nullam tamen utilitatem generalem habent; cum dolores vero saevissimi, propter levamen temporarium, adhibentur. In eorum usu vero non nimis diu persistendum, nisi rigiditas adfit; nam laxando dolores magis figunt, et vasorum debilitatem relinquunt.

Post rheumatismum, si in morbi curatione

\* Storck.

tione evacuationes magnae factae sunt, debilitas saepe diuturna et periculosa sequitur, et corpus maxime frigori sensibile redditur: Ideo aegri, ab hoc liberi, proclives ad recidivum sunt; et recidivus longe pertinacior et curatu difficilior. Hac causa, convalescentes solliciti sibi cavere debent, ne corpus suum nimium calefaciant, vel aëri frigido nocturno exponant.

HAEC debilitas totius systematis est, et diaeta nutriente, concoctu facili, medicamentis stomachicis roborantibus, et exercitio curatur. Debilitas vero saepe sequitur in artubus solummodo, ubi dolores maxime vexarunt: Haec a duabus praecipue causis orta; vel ab influxu fluidi nervosi impedito, vel a solidi simplicis laxitate; altera paralyfis, altera atonia, appellatur. Hae conditiones diversae, a morbo relictæ, remedia fere contraria postulant. Cum paralyfis et rigiditas adfunt, balneum et emollientia profunt, praesertim si emollientibus stimulantia jungamus, ut in oleis



leis vel linimentis volatilibus. Electrizatione et frictio etiam hic juvant; et si motus non integre aboletur, exercitium lene instituendum, et paulatim augendum, donec artus mobilitatem et flexibilitatem pristinam recuperaverit. Cum atonia relinquitur, tensionem debitam lavatione frigida et exercitio obtinemus, quae robur adaugent, et sanitatem confirmant. Lavatio vero frigida, post morbum integre devictum, solummodo adhibetur, cum nulla febris, nulla est diathesis inflammatoria; aliter enim periculosissima foret.

F I N I S.





















